

石田先生詩鈔二

古體

成化十五年己亥
盡二十三年丁未

雨晴月下慶雲庵觀杏花賦此明日老僧索作圖連

書之 己亥



杏花初開紅滿城我眠僧房聞雨聲侵朝急起看晴艷對
房兩株令眼明還宜夜坐了餘興靜免蜂蝶來紛爭嫣然
紅紛本富貴更借玉露添妍青青蘋流水未足擬金蓮影
度雙娉婷庭空月悄花不語但覺風過微香生老僧看慣
不為意却愛小紙燕脂縈高齋素壁可長有不繇零落愁
人情

射鴨詞

壓桑彎彎六尺弩平鐵箭頭十家股湖鄉弋戶不種田業
射羣鳧伏秋浦浦風瑟瑟戰枯蒲應弦一響無生鳧錦紛
秀折頭翅折水花濺血紅模糊雌雄失偶驚且呼弋人換
錢方市沽

答明公送椿芽

山僧藜藿腸采拾窮野味靈芽漆園種新摘帶雨氣鹽蒸
嫩綠愁日曝微紺瘁裹紙聊益許珍重不多遺仍傳所食
法且囑要精試兼烹必雙井水亦惠山二及云性益壽甫
與昌陽比香甜流齒頰食過發吁噫山僧苦薄相折此八

千計本昧吾儒言方長仁者忌

過長蕩

發迹過長蕩識此平生始春流方漫衍曠蕩彌十里老葑
蔽層雲敷芽青擬擬正如一明鏡駁蝕銅繡起西山欲臨
炤掩却螺髻美山亦拘怒去南走太湖溪羣勢湧壘浪爭
捷互排擠我恐先我去揮手喝止止湖山四面好轉側皆
可喜此面正佳絕扁舟載西子芳洲有隙地官賣脫紫綺
移家非丹砂所好在山水

已亥三月五日與盟滬先生住掃陸軒新墓道長蕩蕩
蓋虎丘所望而謂千頃者水面皆積葑蕩之西吳中諸
山合而畢在巖青疊翠真一畫屏然因作詩記其奇觀
時盟滬失之睡比覺誦詩為之張然明日補為圖系書

上方以慰于盟匪盟匪云夫之東隅收之乘
餘亦未為無所遇也出先生手筆詩附

已亥三月六日因雨宿西山白馬磻早與濕雲如墨
諸山滂然在吞吐間東坡所謂雨亦奇正此景也因

以詩書記嘗見耳

濕雲載春山晴秀悵莫逢朝來雙闥前頓失千龍從天地
大藏疾何所不包容峯巒皆養晦草木未發蒙芙蓉不敢
巧反撲鴻蒙中老青巨辯物存亡詰兒童晝夜不分明中
恐移愚公又慮九疑縮萬里未相通爭高或不平出氣蕩
其胸水墨用吾事丹青莫為工

雨中觀山谷博古堂帖

日日坐春雨書齋殊閒然偶持博古刻措目臨窻前綠筆
會其造不覺腕肘騫何異積晦底軒渠觀青天平原氣骨
親傳師何足傳山谷初學沈傳師後諱之自言藏真况多
愛顏魯公書時時輒有其氣骨助恍惚妙入玄翩翩太清間飛行愛羣仙冷風曳長袖金
翹多左偏世人欲摹擬若以手捉煙求筆不求心筆乃心
使焉我雖有妄念精力衰於年歎息把木鑽石盤那得穿

楊花曲

江上楊花撩亂飛隨郎馬蹄點郎衣楊花飛多還墮地郎
去遙遙何日歸郎歸不歸任郎意但是家書無寄處願栽
楊樹遶天涯明年見花郎憶家

春歸曲

今朝三月三十日問春果是明朝歸春歸當向何處去春亦不言花亂飛東家蝴蝶已無賴強逐遊絲揚落暉青樓粉暗女子嫁朱門烏啼賓客稀春一去萬事非臨岐更把一杯酒愁見墻頭梅子肥

四月九日因往西山薄暮不及行艤舟虎丘東趾月漸明遂登千人座徘徊緩步山空人靜此景異嘗廼

紀是作

一山有此座勝處無勝此羣類盡磽出夷曠特如砥其脚插靈湫敷霞面深紫我謂瑪瑙坡但是名差美城中士與

女數到不知幾列酒卽爲席歌舞日諠市今我作夜遊千載當隗始澄懷示清逸瓶壘真足恥亦莫費秉燭步月良可喜月皎光潑地指足畏踏水所廣無百步旋遶千步起一步炤一影千影千人比一我欲該千其意亦妄矣譬佛現千界出自一毫耳及愛林木杪玲瓏殿閣倚僧窻或映紅總在珠網裏聞聞萬響滅獨度跏然履恐有竊觀人明朝以僊擬

瑞光寺

塵中五日雙脚紅頗有俗氣填吾胸今朝風日弄妍美城南載酒尋花宮古濠流水帶榆柳深居透暹茶煙中老僧

與我非夙契卽許小閣開松風山杯到手送西日醉倒信
呼田舍翁未知明日又何處出門大笑歌萍蓬

送劉憲之歸遼東

三韓之地今遼東阻山絕海疑天窮黃沙拍塞數千里朔
風滿地號榛叢天寒冰凍弦盡折長川如砥牛車通長城
北蠱限雜虜一堵之外皆羶風 朝廷宿兵三百萬羣醜
不敢南彎弓風高氣勁人勇健臂鎗走馬能兒童祇今無
事束手坐文場別策詩書功誦聲連營夜月黑駸駸鄒魯
將無同美君飽學二十載如女未嫁誰爲容衣巾楚楚步
武闊骨相磊落鬚芄芄雄談信宿一何健玉屑不盡蘭缸

空山川人物能歷歷今若宛然吾目中吳山楊梅如血紅
吳門酒色琥珀濃楊梅百丸酒百鍾與君爛醉消離悰知
君急歸不可遏昨夜夢見高堂翁吳歌一曲渺江水登臨
目送孤飛鴻

題謝葵丘畫

葵丘鶴城吳兩翁我拜兩翁爲祖行小時曾記撰杖遊碧
梧翠竹俱無恙文章足可表後學我嫌繪事專其望翁懷
高遠亦不諱畫師自昔呼閭相鶴城墨潤筆更精葵丘落
紙殊豪放遠知董巨百代師各以水兵宗墨將我從此幅
識葵翁元氣淋漓神獨王高木霜清葉微脫太溪雲眇波

初漲溪頭對話疑兩翁自寄清標在屏幃後生憐我亦老
大物是人非獨惆悵近來畫手多滿城抹綠塗青自相尚
兩翁古意付茫茫兀坐斜陽對高嶂

遇李生

李生生北方膂力矜鬚鬚桑弓勁如鐵輕引左右臂短衣
獵南山猛虎俱待斃官衛多騎劫一發嘗貫二含笑擔其
囊輒補酒家費小飲三百杯味薄不足睡夜半挾金餅隔
樓調隣妓橫行長安中五陵誇結義秋暑滿谿閣解衣詫
能事槌床助談屑弄燭聽未既衆客不敢譁懾此河朔氣
座無楊開府媿媿當誰爲

梅雪圖戲陳廷璧

梅雪翁清而窮名階利窟誰與翁作引書林翰苑自許翁
相通硬黃搯搯搯盤鼓雪親習習摹尊鍾老年好古心獨
少黑烏衫袖猶兒童自言書法卽畫法雖不能畫頗知其
理同邑分斯篆數投我聊博紙上青芙蓉得之欣然便卷
去不待題識疾走飛秋蓬今朝雪落號北風凍指屈縮爲
蟄蟲翁來疆要圖所號趁此梅清雪淡天爲容傳神正須
及此際吹火烘硯松枝紅亦云要詩寫雪空長句掃破寒
雲重笑翁愛詩真怪事無乃齊人知瑟工興來爲翁放手
作珠光玉色開深冬圖成詩就雪未霽西湖剡曲略見依

耕石齋石田言金
六
微踪我不知翁在畫翁在詩詩中畫中亦各有此翁請翁
歸去同梅雪我詩與畫誰雌雄

莫釐登高卷

成化己亥秋文明府天爵訪王翰林濟之同登莫
釐之峯二公各有記予不能同遊不知其爲勝茲
強作圖與詩聊復爾耳

洞庭兩山浮具區金庭玉柱僊所都翰林王君列僊儒住
隔萬頃玻璃湖洪濤巨浪相吞屠我欲從之老命虞海東
文侯眼孔大視之不與均堂殊眼中之人不可呼翩然往
就喬之鳧文侯文侯寔尹吳所治百里山水俱山靈河伯

受約束疑爲後擁仍前驅高登莫釐盡奇觀云古未始今
當無白波青嶂坐可挹紅粧細馬來敢汙兩人傲睨萬象
表但恐笑語天人狙揮毫撫景間杯酌作文競與山描摹
湖山洵美我未識翻意斯文相厚誣緣文作畫強鄙夫正
如檣埴求其途茫茫意會復有詠長安西笑何其迂有生
不遊山亦誚手搔白髮吁嗟乎

碧梧蒼栝之軒

吾寢之前有屋甚虛明屋下有一梧一栝竝秀于
庭因名之云

吾軒陋無取賴有此嘉樹梧栝各一植當前鬱分布正比

雙國士哀然在賓阼我是軒主人對越自朝莫讀書接葉
下小酌亦可具徘徊弄華月涼影亂瑤璐疏繁來冷風拂
亞濕清露始信昌黎公喜爲五楸賦我初作軒時自以偃
息故軒樹本無因偶合亦有數以樹名吾軒以物表所遇
樹色如得意我亦成其趣枯古枝相樛偃蹇抱貞固梧身
聳而拔未可限尺度遲彼鸞與鵠引子來相附時時掃蟻
蟻霜皮慮其蝨但笑三千年羽化我當去我去空此軒當
爲誰所住軒亦空此樹當爲誰所顧存亡俱冥冥天地聊
一寓

十一月廿三日入城會陳育菴

冬溫氣不肅感疾因入郭日入燈火候無處問鑿藥繫纜
逢故人先我寓僧閣誰謂在今夕杯酒洗離索媿媿情話
餘互問新述作從容發歌咏時或間嘲謔不復有鬱懷未
藥病先却婚姻舊兄弟氣味亦相若各念老境人覲面苦
難數偶耳滄海間合此千里鶴天亦喜留客簌簌細雪落
呼墨記良會笑見睡僮愕

三月廿七夜夢於清溪中又一鯉大而白色翌旦西
隣果又一魚色質與夢中甚肖異而賦此 成化庚子

昨夜清波夢又鯉劈波呈身覺猶喜侵朝覓夢到溪頭尚
以心痴辨非是忽來矮漁提竹筐果臥長軀露頭尾又癡

流血宛如昨驚定與漁言夢裏漁亦辛勤說中時曳义迸
命逃淵底解衣沒入始抱出岸上歡聲呼利市鼓鯁喙噉
氣猶奮吐沫淋漓口還哆壓衡斤充十有二急買烹之答
天與人生飲啄固有數以夢先知良異矣北堂首致老親
羹還與朋從既餘旨

和王秋官元勛寄陳育菴韵

陳子儻蕩人苦爲造物涯一與一奪間多少如螭蛇作詩
出其氣高妙自名家發語如陽春吁枯皆足花口若不火
食肺腑儲鮮霞上遡三百篇漢魏生疵瑕其視太迂闊迺
有謗毀加子亦示刺罵比義咏雪車小人莫能當羣吠其

聲哇管仲曾有言犬亦噬其豷惟子失初計不以靜鎮譁
然此皆浮雲何足掩月華於子未嘗損揚辭愈滂葩顛倒
千顏波兀兀泛孤槎得道則乘流失道則粘沙浮遊天地
間何物能籠且

題子昂重江疊嶂卷

王孫無運開英雄聊寫江山藏畫中還從慘淡見舊物似
有涕淚含孤忠長篇禹貢與作稿一圖萬里連提封張韓
劉岳果何功入關蕭相將無同王孫本號松雪翁能事錯
認營丘公丹青隱墨墨隱水其妙貴淡不數濃縈灘曲瀨
導巴蜀沓巘長巒連華嵩空濛野馬軋雲日浩蕩碧殼吹

秋風王孫隔此不可從
水晶雙闕金芙蓉
招之千年或一出
黃鶴豈不思江東

登大石雲泉菴讀李武選吳太史張夢坡史西邨諸

公聯句有作成化辛丑

昔聞大石會衷熱
思載酒三年恥獨遊
闖戶屢縮首拘束
非達士畸人信無偶
問路始奮屐不避飛磴
阡登頓風掖
身笑語雲入口直上忽左旋
方塞復傍剖跨空紫玉櫬下
穿龍腹走膽慄欲中止仍為奇
觀誘碧殿嵌陽崖砢确碍
窻牖轉高得絕勝小閣踞岫巘
如從毘盧現載以蓮花九
東壁讀聯篇句下具某某文章
千代物與石俱不朽後客

莫容續令人議貂狗

為謝將軍題樗弟畫

吾生頗有水墨緣
筆所到處山爭妍
吾家後出才叔弟
銳氣似恥吾居前
將軍何從得此幅
慘澹生紙開雲烟
坡頭懶仙紫袍坦
石底老樹蒼根聯
仰天長笑呼白鶴
萬里掠雪來青田
兩章密識借我字
戲我自見疑其然
朱絲足信補道子
今人能事古莫專
為渠題詩加印證
是非非是俱堪憐

五月二十日尋謨無猷與曹楓江會飲成化癸卯

吳江城西西林中步趁西日尋謨公捫蘿尚記十年路試

葛初當五夏風焚香掃地我愛住和詩得朋天遣同尊開
竹葉炤眼碧盤飮楊梅過血紅觸人飛蝠出松壁隔火亂
蚊攻竹籠此時夜飲頗自苦要記醉語新軒東

約客山行先後相失

春山同遊不同席却彼青山笑相隔却蹊宛轉馬不進來
者固遲歸亦急問人云去苦不遠如酌稍延當有及空亭
鳥下小燕過祇見殘花與殘核手捫路竹漫刊詩將記後
來君可識白雲醉汝一杯酒不問老兵何得失

題孫君澤山水寄華光祿汝德

衆山轟轟如排空左錯右互肝肺重嵐氛滄地似無足止

有樹杪浮菁葱兩厓擘鐵泉迸王中見百丈垂長虹烟江
沉沉納此瀉天影浩蕩吞孤蓬君澤君澤具此胸我謂圭
遠將無同高堂突兀出奇觀巴蜀落眼何時通我家茅堂
不稱是君家畫錦宜縣中因之卷贈報昨辱一軸百里吹
長風

穀雨後十日壞臺前牡丹始花感而賦此

墻根古臺傾甃磚蓬窠久矣迷嬋娟時寒地薄敢早發浮
雲錯莫春陰連已經穀雨去十日始向積翳瞻孤妍譬之
貞女十年字此花無迺遲爲賢老生賴與花作主起稱池
館羞無錢夕陽濁酒聊取醉時有好友來尊前非因花好

不得地非惜老人無少年近聞虫卉爭入貢一珍一異皆
登天金籠翠幄走萬國龍驤千柁開風烟 聖人觀物自
有道豈至玩喪爲徒然華華可鑒至德著指佞所及羣邪
悛驗之於莫旬朔正吹之於竹律呂宣有豸桓桓一角直
有烏跽跽三足駢彤庭玉墀必致此嗚呼此花甘老春風
前

早行覓火湖村卽事

長川發柁日未暝覓火炊黍迷無村旁流縈綠深入港隔
竹宵聽疑人言茆茨接葉略認屋拉舟再轉方知門老妻
緝麻坐騎櫬小兒簡虱手脫禪黃雞無糧鴨待哺老父減

飯拋蒿根吠尢逐我未卽叱似嫌新客尋桃源挽花纜舟
玩野意解繫更愛殘紅翻重來却恐不可認刻舟便欲留
痴痕

和陳粹之讀司馬王公諫王欲括金玉之疏

日月或未至燃火明昏黃雨露或未及汲水甃槁桑燃汲
在人事衆手易以將衆手顧爲難袖之觀於旁悠悠疎遠
臣賢勞天一方萬里謂尺只引潤要通光此心何悃愾修
辭屢飛章元裕不自危氣撼西頭璫一字一寸珠一函一
尺璋天子如玩物至寶此足當胎之以孤忠形之以三綱
肺腑韞無逸旅爨系肝腸匡救是爲具時以報吾 皇念

蘇石齋石田詩鈔
十二
茲允在茲豈曰遠而忘日月願長耀雨露願長滂燭火願
無庸苞桑願無傷安得如公者數輩居廟堂嘉謨與讜論
日惟贊贊襄儉德著於堯女謁悔於湯永固萬世業上下
稱明良

題坐忘卷

老叟抱病似華子得喪存亡俱蕩矣途中碌碌不知行家
裏休休不知止東家亦有坐忘客坐久忘深慮還起忽從
病叟索忘詩真似夢中談夢耳成詩自怪筆在手書罷笑
看詩在紙蒲團消息付詩中再問行時復何似

一年惜一年效樂天體

人老一年惜一年我老一日惜一日譬之今日且漫過明
日思今已難覓一日雖近一年遠要是年從日中失莫教
惜遠不惜近一日與年爲大率況人無日不勞生又有貧
窮兼疾疾青春不是愁斷送白髮寧從笑中出人生樂事
固不無以日論之十得一吉凶悔吝譬易理三者戾占纔
一吉憂多樂少我自知却老延年信無術百年我欠四十
三強半經過五十七天公倘肯乞餘年便到平頭少堪必
都將老死付天公但教有酒萬事畢日日逍遙山水間淺
酌在唇詩在筆百年待盡隨處理草間那有滕公室

過湖偶書

薄莫及東汎眼豁連胸臆淨碧不可唾百里借秋拭遠樹
水光上出沒似空植疎處方森然山黛一眉塞夕易掩半
面雲浪爲風勒便以湖作紙欲畫手莫卽見瞥况難諦歷
多何暇憶舟子無雅情雙櫓鬪歸力

鈞弋夫人 成化癸卯年作

河洲窈窕天下奇氣不閔靈占者知深拳握王春滿把臨
河一笑爲君披與君七十仍生子周公負之畫圖裏好而
不愛情則疑主少母壯迺媒死雲陽十里吹香風絲履故
在黃腸空不應青鳥有遺愛飛遶靈臺悵望中

齒搖

當唇一齒齟將脫根槎枒棘舌妨噍食致憂豈云此動搖
苦浮危軼出柰參差疑口嘗沮枚比眼如礙沙山水失嘯
歌日夕人歎嗟終知莫附斷且怪久戀卑憐憐滋流涎數
數撫斷槎欲拔涉梭誚希生聞藥涂聊存徒爲耳卒去何
快邪大似狡酷吏作孽開公衙還如敗劣子驚外莫安家
但得噴一嚏迸落從啞訝嚼肉補空竅呼酒洗豁厓掀髯
捫其餘幾輩棲殘鴉作詩尚有告伴老衍歲華從邁勿以
類留二學呂誇湖鄉堪養老鮮美多魚鰕

長至後一日齒病作楚趙中美遠來致問以詩答之
老夫病齒生未經唇不可開惟緘局引酸刻骨比呷醋緝

筋繖腦猶加釘左車宛駝不勝載上下十輩俱吟嶢風松
將遊離房子霜藤尚掛戀蒂榮夜來狂風歟床榻正恐撼
動因之零呻吟縮被凍入骨颯颯墮樵吹枕屏來檣去馬
當絕迹君獨此際能揚舲湖波拍天一百里飛櫓直犯蛟
龍腥豈從舊雨只謝飯況有佳酒雙銀瓶味難沾口意自
醉初日正炤溪東亭

題錢舜舉漁樂圖

成化甲辰

長川無風縞秋碧鴨嘴平灘引南北水楓脫葉荻花飛獨
許紅龍占秋色東船老漁鬲魚立手擘扁竿雙脚赤清波
炤魚如可拾自見鬚眉還歷歷老妻背坐乳小兒似厭大

兒爭且索西船收綸唱歌返短楫弄波聲濤濤一家妻子
團圍頭三泖五湖供泛宅得魚換米日日飽鮮鯉活鱸馬
黍稷漁船兩葉天地間翻覺船寬浮世窄與漁傳神雲溪
老滿眼江湖紙盈尺烟波情性漁不知今漁見畫漁還惜

題沈履德遊湖雜卷

朝看湖船出暮看湖船還遊人趁日不用揀雨晴雪月何
會閒舉頭看山低頭飲唱歌小女桃華顏青山亦來炤湖
水一鏡映入千螺鬟便可斗酒詩百篇更選絕壁鏡其頑
青山萬古湖萬古歲月但與遊人慳昨日遊湖人今日埋
青山青山與湖同玩世儘把少年勾引老者剛君不見白

樂天蘇子瞻二公不能再爲湖山起虛名空掛湖山間我
當把湖釀酒日日醉豈被紅塵白髮相欺謾

二十日劉邦彥約遊虎跑不至留題寺中

抱衾兩夜宿北山忽夢南山卽移去出門草露拂衣裳鼻
觀晴熏百花氣一登一頓復嶺閔猿洞龍湫探不畏緣奇
更到虎泉頭吟肺久枯思灌溉夾城劉郎負宿約泉爲酒
多應薄味山僧煮茶一再熟目斷松行日移未不知歌舞
何處邊欲寄清冷醒醉尉我來此地本爲客握手日談何
足慰便追好事李節推三日先期豈云費別泉有詩兼柬
劉三巾諷歌泉或沸

客自北京回因次第其言以誌繁華也

疎茆破屋塗秋霜燈影明滅寒更長君來坐我白木榻別
久略覺鬚莖蒼持杯且不論契闊媿媿新聞傳帝鄉繁華
富貴年年勝一年不到驚非嘗舊遊閭閻皆改觀連雲第
宅侷金張服華不忌朱紫用核品每作樓臺裝東家貢珠
西進玉一事反獲千金償買官例轉新傳奉冗祿還來分
太倉人家生兒書不讀有錢取貴如探囊僧街道路錄百十
計賜院聯綿開雁堂蟒衣阿監簡珠璫馬隊橫衢來降香
輿臺一一宿衛望塵走避尚書郎公卿爵大福亦大不
動聲色居巖廊子孫祿蔭恩至渥私家袍笏無閭床野夫

聞之向西笑身亦願往川無梁

望陽山

有序

成化甲辰歲閩中李侯來守吾蘇其歲大登秋之
孟侯報望於封內秦餘杭之山雍雍肅肅敬恭乃
事郊之父老觀瞻讚歎曰吾侯爲吾民而役者勤
矣侯退盤桓山間人得歐陽在滁之樂沈周圖其
所以樂者復廣父老之讚歎而爲之歌曰

小時謂山頑而窿出雲出水疑中空後來仰之生敬止知
司有神與人通爲暘爲雨蓋有爲惟愆惟序惟豐凶吾蘇
十年洛水中吾民饑墊魚鱉同李侯聿來水相避勸我稼

穡仍爲農收拾豐年答 天子菜熟米賤公私充流離思
鄉負子返譬彼木茂鳥必從山川効順人効敬天實有意
成於公公能愛民天意合亦能事神民福崇秦餘杭山蘇
所望西北特踞封中雄觀公秋來修所報五馬至止儀雍
雍巍乎業哉幾千仞對笏正立青芙蓉風作之聲雲作氣
靈之揚兮心愈恭下山逶迤碧松裏短杖露冕從絲桐清
泉白石解欵曲引酒自醉黃金鍾推公此樂樂民樂山水
未足開其胸觀瞻歎頌走父老云與歐陽成兩翁作亭欲
與山借地丹林翠壑忻相容題楣便須識大有公須自記
知宗工誅茆豈伺智僊輩我先點筆留青紅深簷高棟會

有日廣縹大軸相無窮

畫松壽大司馬三原王公 成化乙巳

尚書府中松十抱直氣貞心不知老關中土厚根柢壯千
年閔生地之寶上叅雲漢不屈身世閔草木斯爲表用之
擎天天久恃用之柱國國永保伐柯擊姦擬顧笏摘葉指
佞比堯草 朝廷何可一日無百不爲多一非少凌霜傲
雪古色存蒼蒼直與秋天杳孔明廟前有老柏此物亦自
因人好大觀直謂古今同時固難同貴同道金花玉苓仙
所食只在長生不在飽須公采啖三萬斛四海蒼生期壽
考 三原公以成化二十年甲辰任南京兵部尚書文年乙巳
公年七十

留金仲和

脫葉莫能綴折竹不能連流光背人去一去亦復然釀酒
豈無米種米豈無田豈有八十母兒可離膝前膝前亦頃
暫老者不少年襄陽雖云樂扶母難登船襄陽銅鞮詩白
日花滿烟思家總多夢母不在枕邊勸君母子勿相失看
取床頭子母錢

陳太常師召邀賞南軒牡丹

清卿南軒春有光點綴萬綠留紅芳臨軒撩亂難比數楊
家肉屏當面張南都根本元氣壯此花盛德當推王天於
清高補富貴人與草木爭文章春盤厭筯酒飲口簪纓盍

座中飛觴略無絲竹聒清論澹有風日含新粧嗟予潦倒似僖父布袍也拂春風香白鷗本是世外物參鸞附鵠來翺翔兩年歎惜俱作客自家一株烟草荒平章往事不須較在在有花皆雒陽主人勸客莫辭醉更言此會非尋嘗爲華置像保長在人間風雨當無傷

送王抑夫作縣陳留并柬許倅施煥伯

與君桑梓陰相望母黨況爲兄弟行我之老母姊君母少日拜姨今未忘兩家昆季昔數人君我聊存屬餘長羨君讀書事長勤落手新文合時樣學資浩蕩德華腴外度舒徐中倜儻我慚白髮血氣衰君喜青雲年力壯北京初還

受銅墨風雪克途神轉王挈家便欲沿牒去河上敲冰進官舫田園豈是容易別自是縣中官署曠惟民不可日無教有爵相擔畏人讓比來隨地見饑饉未必陳留獨無恙不徒口慰要心存莫以絲先保障亦聞陳許間未遠甫有膚菴可疇倡故人所在卽故鄉天涯詩酒生佳況嗟子廢置祗牖下枕書昏眠眼脂漲升沈由來自有時已信老懷齊得喪尚期諸輩各努力要在致君堯舜上

題松卷

寸筵悠悠至千丈歲月之後乃可望老夫一日春雨中手暖心閒筆初放徂徠合抱三百株生捉龍蛇眠紙上培之

以墨土何功根葉不驚神亦王傍人謂我奪造化畢宏章
偃仍相誑一舒一卷風雨生滿堂錯愕空相向還疑秋子
打窻扉亦覺春花撲屏障久無采錄我何嗔自倚曾中意
爲匠

王理之寫六十小像

王生見我精神熟炤寫今吾瘦於竹問年初及六十人饗
世渾無半分福一味耽農百不便門前湖水漲低田饑來
讀書不當飯靜裏安心惟信天風茆雨壁谿堂破貧賤生
成今老大隱服還勞郡守遺私篇或辱尚書和草木當衰
不復真紙間座上兩浮塵是非非是都休辯聊記明時無

用人

成化二十二年丙午先生年六十

錢士弘以東坡船邀汎月病阻因答

東坡新舸高似屋兩舷開窻三十六昨乘缺月汎昆湖今
汎楊湖月方足老夫不及困河魚到月足時人欠福莫能
扶僊踏高筵馬不進今人累俗翠盤露酒白玉香一飲之
緣惜難卜月從水上憶車公還能入戶尋幽獨枕前只作
臥遊人亦有清華爛雙目高吟不寐待回船輸却醉鄉詩
可贖

題錢士弘阻遊山卷

我懸虞山當一舍會幾尋山止其二下見山便怪老足困劍

門拂水心空掛諸君生長爲山隣終日熟遊非日乍今朝
懊惱有長篇頗被春泥妨不借儘自空濛雨亦奇抱衾泥
宿林廬夜開門點火炤芙蓉濕翠還堪酒中瀉

棄婦辭

時王司馬致仕

棄婦下堂去六親盡彷徨棄婦無可棄棄之家不祥憶初
來嫁時惟家以爲慶叶楫楫理亂絲爲君事流黃扎扎把
長線爲君補衣裳雖勞君莫察持心罔失嘗雖工君莫信
捫心無怨傷竭力奉君歡羣小亦莫容叶君心豈不諒背
憎繇舌長黃金亦銷爍禮義安足防去去出君門落日炤
大荒輻脫難復行絃絕難更張事乖理當去但念未分明

叶割皮以爲紙瀝血以爲漿前書栢舟篇後書綠衣章進
君期爲悟視聽付茫茫復書於太空願助日月光萬古麗
元氣上下流無方倘或淪君心他時省糟糠

題九十二翁張暈畫

張翁年紀如伏生讀書不及繪事精爲圖亦自有古意長
幅短幅求人爭老翁之筆隨年老墨潑綃上如箒掃橫皴
六丁鑿龍門豎皴溜雨泥墻倒一峰塞天雲不流特立萬
仞芙蓉秋石邊白珮亂跳澗木末紅泥高見樓樓頭楊花
吹碧瓦宛轉春江帶樓下烟波渺渺古渡長落日行人獨
騎馬似圭似遠是非間人道濃枯復似關沓成高致那能

到我莫臨摹覺手頑

書周節婦孝感之異

成化丁未

黃氏十九時歸周文璧氏二年文璧喪弱惟一女恃有姑患痿痺其狀莫比儻有肢如無筋有骨如無髓在床如空中有身如蛻委日夜但冥冥僅有息存爾聞聽與觸動稍及卽厥死薦地方儻步通問必附耳艱難食溲次不敢託諸婢百藥無一効百累叢一已黃氏心煩惱惛惛不知處東家優婆夷憐憫爲黃語汝姑溺苦海汝知故何以僊業如丘山宿世所積累須皈大勢力南海有大士解難說真言功德莫思議但要深心持日日要如是一言一拜叩億

又八千數在佛雖有程敬愛無庸紀功深果報近何患患不起黃氏聞是言煩惱生歡喜潔室便置像恭敬爲作禮沐浴體投地心觀口媿媿亦不知其終亦不知其始亦不知其寒亦不知其暑閱日千八百歷年數得五俄夢見一姥前黃行迤邐心謂是觀化稱名略不顧極力欲追卽步步懸尺只逕入一區廬闔戶苦相拒欸叩發號泣其戶豁然啓菩薩示妙相金光燦瞻暗頭上珠瓔珞晃晃復蓋蓋蓮日垂慈光宣言啓王齒黃氏前諦聽合掌作長跪云汝依吾道悉知悉見已慈悲爲我愿豈無囑付汝循功加精進九日一扶倚七九扶以行前及我處所覺來汗淋漓其

言尚在耳悟佛為衆生方便指門戶信心愈堅牢額破吻
俱腐臨日試小掖筋骨覺可舉屢試屢無難還能步移跬
行于詣像前奠香致情旨其炷從空躍踰梁而直下乃著
於本人正中頂顛裏其聲若驚霆其勢若擊杵身心發震
竦百苦悉皆去如風捲天雲不復剩查滓如春活枯草如
冰化為水親黨盡來觀讚嘆世無此姑謝新婦力脫我出
死簿新婦答何功菩薩威力故此事聞其甥王綸能覲縷
韋虛氣治痿若或有仙技黃氏孝治痿專以誠為主格物
與布氣非誠莫相與孝有致久早孝有致冰鯉事本出非
嘗未可論嘗理我特書其孝勃蹊用為砥至今崑山人大

書播邑史

速楊君謙石田記

山中有白石廣衍得數畝堅瘠不可耕無用實類某朋從
從加稱遂為石田叟稱者非譽辭吾亦甘其受楊子許為
記其言食已久往往人家見篇篇燦星斗一見一熱中意
子獨我負扎劍表心許何況曾出口得非以陋物不足辱
錄取碑有紀封禪鼓有示獵狩於此逆觀文或可假石壽
子文伴漢史其傳信無朽脫使不多作難保歲月後恃子
猶洪鍾應隨大小扣不應似生吝吝生虧所厚吾石能作
言將以子歸咎不聞詩所載草木備羣醜不信石終遺不

遭點金手遑遑日翹佇拜嘉亦當有

方道士還冶城

僧順嘗有言惠不在天上但行即須到此氣何勇壯水雲黃冠流詩酒發清曠十年落東海故國隔西望亦云自不歸要去誰我障配順足有餘天地納豪放今日金昌亭風緊秋葉蕩留亦無不從去亦無所悵吸我白玉鍾仰面月相向酣歌一掉首雲鸞渺仙仗

賀德韞弟冠帶之榮

東家德韞弟今有冠帶喜冠帶何以有所有以義取助粟賑洛饑官家報之耳德韞聰明姿軀幹甚豐偉章服以華

德非但爲觀美仲冬八日時賀客走如市伐鼓聲淵淵清絲隨妙舞中堂羅酒漿屢薦襍肴楮杯竿迭勸酌囂呼沸人語老兄畏幅巾蓬髻病初起扶持亦次席坐久殊頓委不言亦不爲飲食而已矣客散自杖歸斜陽樹行裏

挽璋公

璋老性靈澈參扣不同版學苦行亦堅心舒語還簡昂昂如喬松秀色炤人眼八旬尚健步有杖倩人撰俄傳疾不出不意竟絕饌往顧問云何示別作微潛答曰生我寓死爲生所限限極我何留何惜復何難舉手道謝謝言下仍發莞所究亦超然世迹空一刻旋踵卽溘然急若丸走阪

此老今已無千輩莫一棟重來但虛堂寒影炤燈牋門前
杪擺樹風葉何反反

留題蘇文輝隱君

迢迢覓虛浦依依指青林拉舵浴洄流逾梁路轉深遙盼
人家處雜戶斑溪潄地僻罕人事兒童窺客臨何須詰君
居謾緣清誦尋深簷映疎竹垂簾晝陰陰斂書出肅我爲
喜卒莫任神通雖云久覲面乃始今癯然何曉巖長裾配
寬襟恹恹寡言辭志靜知慮沉父子自家學禽鳥同隱心
雞黍既云具薦醪復鳴琴欲別不忍卽止宿抱稠衾